

No.D.11012/1/2016-DTE(EDN)/125

**GOVERNMENT OF MIZORAM
DIRECTORATE OF SCHOOL EDUCATION**

Mac Donald Hill, Zarkawt, Aizawl – 796007

Phone: 0389:2341233 Fax: 0389: 2349542 E-mail: dirsemz@gmail.com

<https://schooleducation.mizoram.gov.in>

Dated Aizawl, the 5th December, 2017

CIRCULAR

School leh School Bus a Internet leh Digital Technology Hmandan-Inkaihruaina

Internet leh social networking site te hi thil tangkai tak, hman sual erawh chuan nun tichhe thei a nih tel avangin zirlai, zirtirtu leh staff dangte pawhin awmze nei leh mumal zawka hman dan hriat a pawimawh hle a. Zirtirtu, leh nu leh pa ten kan zirlaite leh fate hnenah chiang zawka hriattir a tul hle. Heng hman chungchanga inkaihruaina school malin neih a tha a, chu chu zirlai ten an hmuh zung zung theih turin ualau taka tarlan tur a ni.

School tana hriat tur:

1. Internet hmangin chanchinthar chhiar, research thil lakkhawm, online application, lehkhabu download, bill pek, online shopping, etc. a tih theih a. Audio-visual dictionary te hi a hmang thei leh duh tan chuan tangkai tak a ni. Internet hi a chhe lama hman theih anih rualin a tangkaina lam sawi tam a tul hle.
2. Mi personal information hriat ruk tum, virus hmanga kan khawl beih tum, pop-up leh adware hmanga tum loh daiha min hruaia-nun tichhe thei leh account a sum min ruk sak duhte an awm thin avangin inven fimkhur a tha.
3. Computer ah firewalls on a, updated antivirus leh monitoring software dah a, site him lo te blocked tur a ni. Phal chin bak a luh tum leh lutte thunun emaw, hremna emaw lekkawh tur.
4. School dang leh organisation network dang va zawm loh tur.
5. Zirlai in computer a hmanin midang tana hmuh awlsamna hmunah ngei ni se.
6. Computer room-ah surveillance system dah a tha.
7. A theih hram chuan licensed software leh genuine operating system hman tur.
8. An kum mil tawk site ah chauh an lut tur a ni. Group lem leh ho mai mai hmangin account an siam tur a ni lo.
9. Zirlai in computerah ama username leh password bik siam lo se, a lo siam a nih pawhin paih sak vat vat tur.
10. School website nei ten a nazawngin zirlai/zirtirtu mal audio-visual clip dah loh ni se.
11. School leh a compound chungah zirlai ten phalna lovin mobile phone an kengin an hmang tur a ni lo.
12. Information security awareness atana zirlai, zirtirtu leh system administrator te hriat tur pawimawh hetah hian a awm e <http://infosecawareness.in>
13. A huho a Information Technology leh Cyber Security chungchang hrilh a tha.
14. Zirlai ten information technology hi awmze neia an hman leh hman loh an nu leh pate zawh a, nu leh pate pawh awmze neia hman dan hrilh a tha. Hemi atan nu leh pate kum khatah vawi khat tal koh khawm a tha.

Zirlaite hriat tur:

1. Internet browse laiin pop-up leh adware nazawng click loh tur. Anti-virus software tha tawk awm ngei se, computer in up-date tha se, firewall on ni se, pop-up block a, password thlak zeuh zeuh a tha baw. Internet browser (e.g. Mozilla Firefox, Internet Explorer, Google Chrome, etc.) a history tih fai (clear) zeuh zeuh a tha baw.
2. Public computer (Cafe a mi te) leh public wifi (railway station, airport leh free wifi) atanga internet banking khawih loh a tha. Public computer i hman reng reng in safe (incognito) mode ah lut thin la, i

hman zawh ah history leh cache file clear thin ang che. Mobile phone hmanga internet banking tihnan i data hmang thin ang che. Mobile banking apps phe chu bank neitute siam ngei hman ngei tur a ni, third party software reng reng internet banking khawih nan hman loh tur. Secure site atang chauhin online in thil lei rawh, secure site chu <https://www>. in a in tan thin.

3. E-mail leh attachment hriatchian loh atanga dawnin hawn (open) loh tur.
4. Mobile apps i download hmain review leh comment te chhiar hmasak phawt a tha.
5. Zahmawh rawngkai leh download khap ang chi download mai loh tur.
6. Social networking site (e.g WhatsApp, facebook, etc.) a i tel ve duh a nih chuan i join hmain i nihna leh kum mil thlang thiam ang che. I profile settingah mi nazawng hmuh theih turin indah suh.
7. Hriat chian loh hnenah i nihna, entirnan address, phone number leh thalak te pek/thawn mai mai loh tur.
8. Vantlang hmuh atan mitthi ruang te thawn darh mai mai loh tur.
9. A chhe lam leh mualpho theihna a nih chuan a neitu phalna lovin mi thlalak leh video te thawn darh loh tur.
10. A dawngsawngtu in i tum loh dan deuhin a dawngsawng thei tih ngaihtuah chungin tawngkam mawi hmang hram ang che. Thuziak dik leh hawrawp dik hman fo tur.
11. Mi thil sawi online a comment leh share i duhin anmahni tih ngei a nih loh chuan inrawlh loh a tha.
12. Account lem hmanga mahni hming leh nihna tarlang ngam lo a mi bum ching an awm thin avangin hriat chian lohte 'Friend' mai mai loh tur. Hmaichhan ngeia kan hmuh tawhte 'Friend' a tha zawk.
13. Online chat-na atanga hriatte nen 'chulai hmunah chuan inhmuh ang tih miah loh tur.'
14. Pawr leh rum tak taka thil sawi ching te hi a taka engmah ni lo an tam tih hriat tur.
15. Heng a hnuai mite hi i dil leh buaipui nimiah lo a an dil che a nih chuan bum an tum che a ni tih hria ang che:-
 - Lottery i man a, a buaipui nan sum chuti zat chu a ngai
 - Chumi-khami hmunah hna tha deuh i hmu e
 - Thilpek (gift) tha deuh ka rawn thawn che a, a tlan (khul) nan chuti zat sum i rawn thawn a ngai
 - Chumi ramah chuan lo zin la, ticket/ visa manah chuti zat chu a ngai
 - ATM PIN rawn dil
16. Social networking site i hman danah heng hi nangmah inzawt teh le:-
 - 1) Lehkha chiah aiin i hun tam zawk i hmang ral em?
 - 2) I thil hmuh leh dawn thawn darh (send & forward) nan i hun leh sum i khawhral hnem em?
 - 3) Heng hian i zirlai a pui che nge, i zirlai bu leh lehkhabu ten?

School Bus:

Zirlaite school bus ah an lo him zawk nan hengte hi zawm tur a ni:-

1. Rikrum leh tawhsual palha hmalak vat theihna turin driver emaw, bus attendant (conductor) zawkin in emaw mobile phone pakhat tal an kawl ngei tur a ni.
2. Phalna la hmasa lovin zirlaiin heng digital gadget - Laptop, Tablet, Mobile Phone, iPad, Disc Player leh Game Console te hi school ah an rawn kengin, bus chhungah pawh an hmang tur a ni lo. School hotu leh transport in-charge ten heng hi bus attendant awm laiin an enfiah thin tur a ni. Hetiang tilui an awm a nih chuan hremna emaw, thununna emaw lekkawh tur a ni.



(K. LALDINGLIANA)

Addl. Director of School Education
for Director of School Education
Mizoram : Aizawl